

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126164](#)

stum hoc celebamus, qui hodie quasi primam suam *Epiphaniam* in utero matris celebravit, ubi tanquam vera lux mundi, matrem suam beatissimam, Patruum Joannem, & cognatam Elisabetham illuminavit, ut omnes repleti Spiritu sancto fuerint, & *Elisabeth gratulando, Johannes saltando, & Maria cantando* id publicè ostenderint. Neque tamen B. Virginis Mariz planè obliviscimur, sed commendamus virtutes ejus, eamq; aliis in Exemplum proponimus. Id majori illi gloria est, quam si in Papatu ad parietes picta, vel in processione circumlata divino cultu & veneratione afficiatur, & filio Servatori anteponatur, hoc enim et tantum debetur, qui dicit: Ego Jehova, *Esa. 42. v. 8.*

Nos adipsum Evangelium transibimus, tractatur ex eodem:

I. Α Θεωπολιταρ, sive notitiam nostri.

II. Χριστωνια, sive notitiam Christi.

J.J.

Exegesis.

IN prælecto Evangelio proponuntur nobis *dua præcipua fæminei sexus persona*, V. & N. T. quas Deus ipse tanti fecit, ut easdem per Archangelum Gabriel inviserit, ut supra communem naturæ cursum Iætas puereras & templo Spiritus sancti fecerit. Utraque enim prægnans est: altera sub corde portat benedictum illud mulieris semen, contritum caput serpentis, *Genes. 3. v. 5.* altera præcursorum Messiae, Johannem Baptistam, cui Christus ipse postea testimonium perhibet, quod inter nos mulierum major non sit, *Matth. 11. v. 11.*

Ideo conventum hunc non parvi perdere, sed cogitare debemus, quod Spiritus sanctus hanc historiam in totius generis humani, præcipiù vero coram mundo quidem despectarum, at piarum matronarum honorem consignari fecerit: ut hic recordari debcant, quod divina Majestas eas non abjecere, sed omnitempore commendatissimas sibi habere velit, non enim apud ipsum masculorum aut feminarum est respectus, *Gal. 3. v. 28.* sed qui timet eum, & operatur justitiam, acceptus est ei, *Act. 10. vers. 35.*

Ad notitiam nostri hic deducemur, si spectemus:

I. *Maria peregrinationem.* Exurgens enim Maria in diebus illis, abiit in montana, cum festinatione, in civitatem Juda.

Alias in proverbio dicitur, quod virgines peregrinantes non magni astimandæ veniant, facile enim sibilabecula aliquam adsperrere possunt, ut exemplum Dinæ probat, *Gen. 34. v. 2.*

Verum B. Maria prægnantes suas itineribus suscepit causas habet, cui se accingit, non ex curiositate, sed ut fidem suam roboraret, ex exemplo agnata senioris Elisabethæ, de qua Angelus dixerat, quod & ipsa conceperit filium in senectute suâ, quartamen hactenus fuerit sterilis, ita ut naturaliter nulla proles ab ipsa speranda esset: Hinc incitata Maria iter hoc suscepit. Utrumque enim supra naturam erat, & quod ipsa sine viri congressu filium concipere & parere: & Elisabetha grida esse deberet, quæ ab omnibus hactenus sterilis habita fuerat. Hinc censemus, si hoc ita esset, se facilius credituram esse, in se quoque perfectum iri, quæ dicta sibi escent

sent à Domino. Fides enim velut candela est, quæ nisi oleo alatur, facile exstingui potest, ideo Dominus nobis sacram cœnam, velut salutiferum aliquod alexipharmacum, ut eâ fidem roboremus ordinavit, hanc spernere non debemus, ne spernamus consilium Dei adversus nos ipsos, Luc.7.v.30.

Hic probent & examinent se virginēs, anno non quandoque ex curiositate, vel laſcivitatem ambulatūm i verint, & ad choreas encaniorum properaverint, ubi magis decūsset ipsas, ut domi mansissent, & rem familiarem curassent?

Id non raro accidit: mundus enim semper vitiōsior evadit, & ut experientia probat, inveniuntur virginēs, an meretrices? quæ astutæ, inquietæ & impie sunt, cuius pedes in domo suā non manent, nunc foris, nunc in plateis, nunc juxta angulos insidiantur, Prov.7.v.11. Verum non raro accidit & illud: *Exiit Lucretia, rediit Helena.*

Quodsi igitur Christianis virginibus forte iter aliquod suscipiendum sit, *Mariæ conforment se:*

1. *Ratione propositi.* B. Maria cum cognata Elisabetha conferre volebat, de nuncio, quod ipsi Archangelus Gabriel attulerauit, ut ita fidem suam roboraret. Ita nos ad eadem Domini recipiamus nos, ubi Deus voluntatem suam nobis manifestat, nullamq; occasionem negligamus, quæ fides nostra firmari possit, optimum quippe est, gratiā stabiliri cor, Hebr.13.v.9.

2. *Ratione modi,* abiit enim in montana, *muta σπεδίς*, cum festinatione. Hæc egregia virtus est, quæ quidem omnes, foemineum tamen sexum præ aliis ornat. Sic ut ostium vertitur in cardine suo: ita piger

in lectulo suo, Prov.26, 14. qui verò vigilans & industrius est, laboris sui compendium sentiet, sicut exemplum Jacobi probat, qui pro fidelitate & diligentia suâ, ditatus est ultra modum, & habuit oves multas, ancillas, & servos, camelos & asinos, Gen.30.v.ult.

3. *Ratione termini.* Abiit enim in montana in civitatem Juda: hæc civitas Sacerdotalis Hebron fuit, uti eruditæ autuant, sicuti inter civitates Sacerdotiales filiorum Juda expressè recensetur, Jos.21.v.11.

Ita loca suspecta adeunda minimè sunt, ubiratione doctrina & vita periclitari possumus, vel salutis naufragium fieri potest, 1. Tim.1.v.19.

Qui igitur sincerus & sine offendiculo esse vu't, is ad civitatem Dei conferat se, quæ est cœlesia, Psal.46.v.5. & fugiat omnia scandala, ne & ipse convertatur ad stultitiam, Psal.85.v.9. Perstat enim immotum: Cum bono bonus eris, & cum viro innocente innocens eris, cum puro puerus eris, & cum perverso perverteris, Psal.18.v.26.27.

II. *Elisabethæ visitationem.* Et intravit domum Zachariae, & salutavit Elisabeth. Hoc iter satis longum fuit, nempe tringita duarum horarum, ut Brocardus scripsit, qui ipse Palæstinam lustravit: attamen teneram hanc virgunculam non traduit iter hoc instituere, in gratiam cognatæ Elisabethæ, idque per pedes, ut Evangelista indicat.

Alias familiare Judæis fuit, ut non modo masculi, sed & foemella & virginēs equitarent, si iter facere tenerentur. Rebecca insidebat camelō, cum sponsus Isaac ipsi obviaret, Gen.24.v.64.

Axa filia Caleb alino equitavit, Jud.1,14.
ut &c.

ut & Abigail, 1. Sam. 27. v. 20. Salomo uxores suas in lectica portari curavit, Cant. 3. vers. 9. 10.

Iisdem commoditatibus digna fuisset præ aliis B Maria Virgo: Verum facultates ejus tantæ non fuerunt, ut asinum aut bigas sibi comparare, vel apud alios, mercede certa conducere potuisset. Ideo in nomine Dei in pedes se conjicit, & superat omnes molestias, quas iter alias afferre solet, per caritatem, quâ cognatam suam amplectitur.

Hoc egregium exemplum est, cuius intuitu quilibet examinare se potest, utrum cor eiusmodi benevolum in invisibilibus amicis, & ipso actu ostenderit?

Multi enim obstinati inveniuntur Capricorni, qui aliorum ope se non indigere, adeoque nec, ut eos invisant, opus habere putant, hinc sèpè fit, ut proximi consanguinei, in civitate aliquâ, qui quidem propè sibi cohabitant, multis annis non convenient, quid quæso facturi essent, si multa millaria se jungentur?

Hoc indecorum videtur. Amicorum enim est, se invicem quandoque intervisere & ita re ipsa demonstrare, quod amici sint.

Cum Alexander M. interrogaretur, ubi thesauros suos haberet? Amicos suos ostendit, eoq; indicavit, se pluris facere amicum, quam aurum & argentum.

Nec perperam ille sensit: Amicus enim fidelis, protectio fortis; qui invenit illum, invenit thesaurum. Sir. 6. v. 14. 15. exemplo sunt David & Jonathan, quorum animæ ita conglutinatae fuerunt, ut dilexerint se invicem, quasi animam suam, 1. Sam. 18. vers. 1.

Imitare hoc, & parem amicis & consanguineis benevolentiam exhibe;

1. *Visitando.* Id fecere Moses, Act 7. v. 23. Jethro, Exod. 18. v. 7. David, 1. Sam. 17. vers. 18.

Idem & nos faciamus oportet. Nisi enim id fiat, indicium est, quod non magnoperè nos invicem curemus. Quomodo verò fratres & consanguinei id aliquando excusabunt? Sanè quia in amicis nullam dilectionem probarunt, Dominus quoque ipsis amicitiam suam renunciabit, dicens: Non novi vos, Marc. 7. v. 3.

2. *Salutando,* salutavit enim Elisabeth. Hoc gentilibus quoque probatum est, idèo Cato ait: Saluta libenter. Quanto magis nos decebit, ut nos invicem salutemus osculo sancto, Rom. 16. v. 16. Amica enim salutatio, non modo signum est benevolentiae, quam nobis invicem exhibere tenemur, sed & fidelis precatio, quâ proximo optima quæque ab altissimo voventur, idèo que non frustranea erit, desiderium iustorum profectò bonum est, Proverb. 11. vers. 13.

Absit verò hypocrisia Iobitica, 2. Sam. 20. v. 9. Nam in Christo Jesu veritas, Eph. 4. v. 21. Viri enim sanguinum, & dolosi, non dimidiabunt dies suos, Psalm. 55. vers. ult.

3. *Consultando.* Maria cum cognata seniore conferre vult, de angelico nuncio, & ejus consilio uti. Sic juniorum non alta sapient, Rom. 12. v. 16. sed seniores consulendo honorent, si dubii aliquâ in re sint. In antiquis etenim est sapientia & in multo tempore prudentia, Job. 12. v. 12. Hoc si Rehabeam fecisset, in Majestate Salomoni & Davidi par mansisset: quia vero reprobato seniorum consilio, juniorum amplectebatur, experiri cogebatur, ut de-

cem

cem tribus ab ipso desciscerent, i. Reg. 14.
vers. 8. seqq.

Quod si igitur in his tribus B. Mariam sequamur, & amicitiam colamus, ejusmodi opus facimus, quod Deo probatur, & hominibus, Sirac. 25. v. 1.

III. *Trimeshrem commorationem.* Mansit enim Maria cum Elisabetha quasi mensibus tribus, & reversa est in domum suam.

Hinc apparet, quam grata & accepta ibi fuerit, secus enim non tamdiu perseverasset, sed dulitate enim & benevolentia suâ omnino fastidium exhaustit.

Alias noti sunt triti versiculi:

*Post tres sœpè dies vilescit pescis &
hōspes,
Ni sale conditus, vel sit specialis a-
micus.*

Verum B. Maria constanti benevolentia ibi tractata fuit, alias tamdiu illam ibi non perseverasse, consentaneum est. Sed & procul dubio officiis & observantia suâ hospites sibi devinxit, & cognatæ Elisabethæ, quæ ob senectutem & vicinum partum rei familiaris minus commodè præesse potuit, fidelem operam præstítit.

*Hic virgines inspiciant & probent se, u-
trum & ipse, si forte post obitum parentum,
hospitio Procuratorum & consanguineorum
utantur, labores subeant, & in refamiliari
administrandâ operam suam iis locent?*

Sanè dignum est virginibus, ut officiosi sint, & matri in cœconomia manum adjutricem præbeant, id enim quartum præceptum requirit, quod primum est (in altera tabula) in promissione, ut bene sit illis, & sint longævi super terram, qui illud observare student, Exod. 20. v. 12. Eph. 6. v. 1.

Verum paucæ inveniuntur: plurimæ di-

scunt circumire domos, verbosè & curiosè loquentes, quæ non oportet, i. Tim. 5. v. 13. aut moliendo & comando se, tempus terunt, & laborem cane pejus & angue fugiunt. Imprimis si procuratorum & consanguineorum epulis fruuntur, non putant convonire sibi, ut in laboribus adjutrices sint.

Sed meliorem laudem meretur *Rebecca*, quæ licet venustissima esset, & decora nimis, tamen non erubuit hydriam in scapulâ suâ portare & matri aquam ex fonte apportare, Gen. 24. v. 15. seqq.

*Rachel filia Jacobi oves pavit, Gen. 29.
v. 6. Quod & filia Jethro Sacerdotis Ma-
dian fecerunt, Exod. 2. v. 16.*

Id Spiritus sanctus his virginibus ad æternam gloriam consignari voluit, ideo matres à juventute eas domus curam habere, docere debent, Tit. 2. v. 4. hoc per necessarium est: Adolescens enim imbutus, juxta viam suam, etiam cum senuerit, non recedet ab ea, Proy. 22. v. 6.

De Secundo.

*T*ransibimus nunc ad alteram partem, *Xριστονωσιαν*, sive notitiam Christi meditaturi. Hic nobis contemplandus proponitur:

1. *Tanquam ventris Mariae fructus*, ait enim Elisabeth: Benedicta tu inter mulieres, & benedictus fructus ventris tui.

Hoc ipso confirmatur Articulus fidei, quem Apostoli symbolo suo inseruerunt, ubi unanimi consensu profitemur, quod Christus Servator noster, conceptus fit de Spiritu sancto, naturæ ex Mariâ virgine. Hæc res magni momenti est. Quia enim omne, quicquid ex carne natum, caro est, nec potest

Cccc

est